

宋
金
元
人
詞

後村居士詩餘卷上目錄

哨遍

六州歌頭

賀新郎

二十九首

沁園春

九首

摸魚兒

三首

一翦梅

二首

滿庭芳

鷓鴣天

二首

卜算子

三首

後村詩餘卷上

門人迪功郎新差昭州司法參軍林秀發編次

哨遍

昔坡公以盤谷序配歸來詞然陶詞既緊括入律
韓序則未也暇日游方氏龍山別墅試效顰為之
俾主人刻之崖石云

勝處可宮平處可田泉土尤甘美深復深路絕住人稀有
人兮盤旋於此送子歸是他隱居求志是要明主媒當世
嗟此意誰論其言甚壯孔顏猶有遺旨大丈夫之被遇於
時入則坐廟朝出旗旄列屋名姬夾道武夫滿前才子
噫有命存焉吾非惡此而逃之富貴人所欲如之何幸而
致向茂樹堪休清泉可濯谷中別有閑天地況繪細於絲

蕨甜似蜜采於山釣於水大丈夫不遇之所為唐處士依
稀是吾師覺山林尊如朝市五侯門下賓客擾擾趨形勢
嗟盤之樂誰爭子所占斷千秋萬歲呼僮奴馬更膏車便
與君從此逝矣

六州歌頭

客贈牡丹

維摩病起兀坐等枯株清晨裏誰來問是文殊遣名姝
盡羣花色浴纔出醺初解千萬態嬌無力困相扶絕代佳
人不入金張室却訪吾廬對茶鐺禪榻笑殺此翁臞珠髻
金壺始消渠憶承平日繁華事脩成譜寫成圖奇絕甚
歐公記蔡公書古來無一自京華隔問姚魏竟何如多應
是彩雲散劫灰餘野鹿銜將花去休回首河洛邱墟謾傷

春弔古夢繞漢唐都歌罷秋獻

賀新郎

吾少多奇節頗擲揄玉關定遠壺頭新息一劒防身行萬
里選甚南溟北極看塞雁銜來秋色不但檠棋誇妙手管
城君亦自無勍敵終賈輩恐難匹酒腸詩膽新來窄向
西風登高望遠亂山斜日安得良弓并快馬聊與諸公角
力漫醉把欄杆頻拍莫恨寒蟾離海晚待與君秉燭游今
夕歡易買健難得

賀新郎

送陳倉部知真州

北望神州路試平章這場公事怎生分付記待大行山百
萬曾入宗爺駕馭今把作握蛇騎虎君去京東豪傑喜想

投戈下拜真吾父談笑裏定齊魯
兩河蕭瑟惟狐兔問
當年祖生去後有人來否多少新亭揮淚客誰夢中原塊
土算事業須由人做應笑書生心膽怯向車中閉置如新
婦空目送塞鴻去

賀新郎

杜子昕凱歌

盡說番和漢這琵琶依稀似曲驀然絃斷作麼一年來一
度欺得南人伎短歎幾處城危如卯元凱後身居玉帳報
休作尋常看布嚴令運奇算 開門決鬪雌雄判笑
中宵奚車趨屋獸驚禽散箇箇巍冠橫塵柄誰了君王此
段也莫靠長江能限不論周郎并幼度便仲尼復起嗟微
管馳露布築京觀

賀新郎

跋唐伯玉奏藁

宣引東華去似當年文皇親擢馬周徒步殿上風霜生白
簡下殿扁舟已具怎不與官家留住古有一言腰相印誰
教他滿篋嬰鱗疏還笏退不迴顧新來邊報猶飛羽問
諸公可無良策少寬明主攀檻朱雲頭雪白流落如今底
處但一片丹心如故賴有越臺堪眺望那中原莫已平安
否風色惡海天暮

賀新郎

送唐伯玉還朝

驛騎聯翩至道臺家籌邊方急酒行姑止作麼攜將琴鶴
去不管州人墮淚富與貴平生無味可但紅塵難著脚便

山林未有安身地搔白髮兀相對 前身小范疑公是憶
當年天章閣上建明尤偉慶厯諸賢方得路便不容他老
子須著放延州城裏一句殷勤牢記取在朝廷最好圖西
事何必向玉關外

賀新郎

送黃成父還朝

飛詔從天下道中朝名流欲盡君王思賈時事祇今堪痛
哭未可徐徐候駕好著手扶將宗社多少法筵龍象衆聽
靈山祝付些兒話千百要傳寫 予方行矣乘驄馬又送
他江南太史去游趨厦老我伴身惟有影倚徧風軒月榭
悵玉手何時重把君向柳邊花底問看貞元朝士誰存者
桃滿觀幾開謝

賀新郎

戊戌壽張史君九月十八日

南國秋容晚曉寒輕芙蓉臺榭拒霜池館試向壺山堂上
望萬頃黃雲刈遍總喫著君侯方寸不要漢庭誇擊斷要
史家編入循良傳春脚到福星現家家香火人人願要
還他慶元狨座建興炎蟬冕穩奉安興迎兩國誰謂山遙水
遠福壽比河沙難算來歲而今黃花節早驂鸞入侍瑤池
宴風浩蕩海清淺

賀新郎

端午

深花榴花吐畫簾開練衣紋扇午風清暑兒女紛紛夸結
束新樣釵符艾虎早已有游人觀渡老大逢場慵作戲任

陌頭年少爭旗鼓，溪雨急，浪花舞。
標致高如許，憶生
平既，紉蘭佩，更懷椒醕，誰信騷魂千載後。
波底垂淚角黍，又說是蛟饒，龍怒把似而今醒到了。
料當年醉死，差無苦聊一笑弔千古。

賀新郎

九日

湛湛長空黑，更那堪、斜風細雨，亂愁如織。
老眼平生空四海，海賴有高樓百尺。
看浩蕩、千崖秋色。白髮書生神州淚，儘
淒涼、不向牛山滴。追往事，去無迹。
少年自負凌雲筆，而今春、華落盡，滿懷蕭瑟。
常恨世人新意少，愛說南朝狂客。
把破帽、年年拈出。若對黃花孤負酒，怕黃花也笑人岑
寂。鴻北去，日西匿。

賀新郎

寄題聶侍郎鬱孤臺

絕頂規危榭跨高寒鳥飛不過雲生其下斤斲無聲人按
堵翕忽青紅變化覽城郭山川如畫閣老鳳樓修造手笑
談間突出凌雲裊臺上景買無價唾壺塵尾登臨暇似
當年滁陽太守歐陽公也傾倒贛江供硯滴判斷雪天月
夜更喚取鄒枚司馬銅雀凌敲歌舞散訪殘磚斷甃無存
者餘翰墨被風雅

賀新郎

動地東風起畫橋西遠溪桑柘漫山桃李寂寂牆陰蒼苔
逕猶印前回屐齒驚歲月馳驅雲駛太息攀翻長亭樹是
先生手種今如此君不樂欲何俟傍人錯會淵明意笑

斯翁皇皇汲汲登山臨水佳處徑呼籃輿去屢髴柴桑栗
里從我者門生兒子嘗試平章先賢傳屈原醒不似劉伶
醉判醕酤卧花底

賀新郎

棠庵誇梅

鵲報千林喜還猛省謝家池館早寒天氣要與瑤姬敘離
索草草杯盤藉地悵減盡何郎才思不願玉堂并金屋願
年年歲歲花間醉餐秀色挹高致西園飛蓋東山妓問
何如半山雪裏孤山煙外管甚夜深風露冷人與長瓶共
睡任翠羽枝頭多事老子平生無他過為梅花受取風流
罪簪白髮莫教墜

賀新郎

溪上收殘雨，倚畫欄、薄棉乍脫。日陰亭午，鬧市不知春色。
處散在荒園廢墅，漸小白、長紅無數。客子雖非河陽令，也
隨緣暫作。鶯花主，那可負、幾中醅。碧雲四合，千巖暮恨，
匆匆余方有事，子姑歸去。趁取羣芳未搖落，暇日提魚就
煮。歎激電光陰如許，回首明年何處。在問桃花尚記劉郎
否。公莫笑，醉中語。

賀新郎

和人詠茶蘼

曾與瑤姬約，恍相逢、翠棠搖曳。珠璣聯絡，風露青冥，非人
世。攬結玉龍驂鶴，愛萬朵、千條纖弱。禱祝花神，憐惜取到
開時晴雨，須斟酌。枝上雪，莫銷却。惱人正是中狂藥，凭
危欄、燭光交映，樂身遙作。身上春衫香熏透，看到參橫月。

落算茉莉猶低一著坐有綠山玉郎子倚玉簫度曲難為
酢君不飲鑄成錯

賀新郎

同前韻賦黃荼蘼

想赴瑤池約向東風名姬駿馬翠韉金絡太液池邊鵲羣
下又似南樓呼鶴畫不就穠纖嬌弱羅帕封香天上_來陳瀉
銅盤沆瀣供清酌春去也被留却芳魂再返應無藥似
詩詠綠衣黃裳感傷而作愛惜尚嫌蜂採去何況流鶯蹴
落且放下珠簾遮著除却江南黃九外有何人敢與花酬
酢君認取莫教錯

賀新郎

再和約字

淺把宮黃約細端 普陀煙裏金身珠絡夢絲華輕羅襪
小飛下祥雲仙鶴朶朶賽蜂腰纖弱已被色香撩病思儘
鵝兒酒美無多酌看不足怕殘却 人間難得傷春藥更
枝頭流鶯喚起少年狂作留取姚家花相伴羞與萬紅同
落未肯讓蠟梅先著樂府今無黃絹手問何人清唱何人
醉休草草認題錯

賀新郎

客贈芍藥

一夢揚州事畫堂深金瓶萬朶元戎高會座上祥雲層層
起不減洛中姚魏歎別後關山迢遞國色天香何處在想
東風猶憶狂書記驚歲月一彈指 數枝清曉煩馳騎向
小窗依稀重見蕪城妖麗料得花憐儂消瘦儂亦憐花惟

悴漫悵望竹西歌吹老矣應無騎鶴日但春衫點點當時
淚那更有舊情味

賀新郎

郡宴和韻

草草池亭宴又何須珠繡絡臂琵琶遮面賓主一時詞翰
手倏忽龍蛇滿案傳寫處塵飛鷺囀但得時平魚稻熟這
腐儒不用青精飯陰霧掃霽華見使君償了豐年願便
從今也無敲朴也無厨傳試拂籠紗看壁記幾箇標名渠
觀想九牧聞風爭羨此老飽知民疾苦早歸來載筆薰風
殿詩有諷賦無勸

賀新郎

再和前韻

夢斷釣天宴怪人間曲吹別調局翻新面不是先生瘖啞
了怕殺烏臺舊案但掩耳蟬嘶禽嚙老去把茅依地主有
瓦盆盛酒荷包飯停造請免朝見少狂謨發功名願苦
貪他生前苑後美官佳傳白髮歸來還自笑管轄希夷古
觀看一道水銜堪羨妃子將軍噴未已問匡山何似金鑾
殿休更待杜鵑勸

賀新郎

遊蒲澗寺

風露_雄炎毒記仙翁飄然謫墮吹笙騎鶴歷歷漢初秦李
事山下瓜猶未熟過眼見羣雄分鹿想得拂衣游汗漫試
回頭劉項俱螻蟻斫鯨鱸脯麟肉越人好事因成俗擁
遨頭如雲士女山南山北問訊先生無恙否齊魯干戈滿

目且游戲袂胥黃木不是世無爪樣棗便有來肯飽癡兒
腹聊舉酒笑相屬

賀新郎

王實之喜予過嶺命愛姬歌新詞以相勞 次其

韻

此腹元空洞少年時諸公過矣上天吹送老大被他禁害
殺身與浮名孰重這鼓笛休休拈弄絲筆擲還殘錦去江州
冷鮑照事願今生來世無妖夢且飮犢莫吞鳳 新來暗啜如
翁仲羨玉郎驂鸞縹緲玉簫吹動應笑夔州村裏女朱笑面
生怨進奉要絕代傾城安用今古何人知此理有吾家酒
德先生頌三萬卷謾充棟

賀新郎

蒙恩主崇禧用前韻

主判茅君洞有簷間查查喜鵲曉來傳送幾度黃符披戴

了此度君恩越重

僕五任祠廟一南岳二仙都三玉局四雲臺五崇禧

被賀監天墮

調弄做取散人千百歲笑渠儂一霎邯鄲夢歌而過鳳兮

鳳 灌園織屨希陳仲問先生加齊卿相可無心動除却

醴泉守太乙揀箇名山自奉那捷徑輸他藏用有耳不曾

聞黜陟免教人貶駁徂徠頌服蘭佩繞茅棟

賀新郎

謫下神清洞更遭他挪揄黠鬼路傍遮送薄命書生雞肋

爾却笑尊拳忒重破故紙誰教繾弄一枕茅簷春睡美便

周公大聖何須夢門前客任題鳳 卜鄰羊仲并求仲願

春來西疇雨足土膏犂動白髮巡官占歲稔不問京房翼

奉檄與甕從今無用醉與老農同擊壤莫隨人投獻嘉禾
頌在陋巷勝華棟

賀新郎

席上聞歌有感

妾出於微賤小年時朱絃彈絕玉笙吹遍粗識國風關雎
亂羞學流鶯百轉總不涉閨情春怨誰向西鄰公子說要
珠鞍迎入梨花院身未動意先懶 主家十二樓連苑那
人人靚妝按曲繡簾初卷道是華堂簫管唱笑殺街坊拍
袞徧回首望侯門天遠我有平生離鶯操頗哀而不愠微
而婉聊一奏更三嘆

賀新郎

生日用實之來韻

鬢雪今千縷更休休癡心默望故人明主晚學瞿瞍無所
所得不解飛昇滅度似曉鼓鼙鼙搗五散盡朝來湯餅客
且烹雞要酌茅容母怕回首太行路 麟臺學士微雲白
便尊前周郎復出審音無誤安得春鶯雪兒輩輕拍紅牙
按舞也莫笑儂家蠻語老去山歌尤協律又何須手筆如
燕許援琴操促箏柱

賀新郎

再用前韻

放逐身縊縷被門前羣鷗戲狎見推盟主若把士師三黜
比老子多他兩度袖手看名場呼五不會車邊望塵拜免
他年青史羞潘母白曲洞是歸路 平生怕道蕭蘭句况
新來冠歌弁側醉人多謾管甚是非并禮法頻足低昂起

舞任百鳥喧嗽春語欲託朱絃寫悲壯這琴心脉脉誰堪
許君按拍我調柱

賀新郎

實之三和有憂邊之語走筆答之

國脉微如縷問長縷何時入手縛將戎主未必人間無好
漢誰與寬些尺度試看取當年韓五豈有穀城公付授也
千曾過過曉山毋談笑起兩河路少時棋枰曾聯白歎而
今登樓攬鏡事機頻誤聞說北風吹面急邊上衝梯屢舞
君莫道投鞭虛語自古一賢能制難有金湯便可無張許
快投筆莫題柱

賀新郎

四用縷字韻為王實之壽

萬字如鍼縷憶王郎丹墀大對氣為文主貴近傍觀俱失色仰止如天聖度笑杜牧成名居五晚面清光猶苦諫似封人懇切言君母謫塵世錯行路當時宜和薰風句又那青雲一段被才名誤輸與靈和殿前柳柔軟隨風學舞怪兩鳥新來停語不是先生高索價問何時宰相先生許舉杯祝莫傾柱

賀新郎

實之用前韻為老者戲答

身畔無絲縷但從前練裳練悅做他家主甲子一周如二

紀兔走鳥飛幾度賽孔子如來三五

徐陵云小如來五歲多孔子三年鶴

髮蕭蕭無可截要一杯留客慙陶母門外草欲迷路朗

吟白雪陽春句待夫君驪駒不至鵲聲還誤老去聊攀萊

子例例著斑衣戲舞記田舍火爐頭語肘後黃金腰下印
有高堂未敢將身許且扇枕莫倚柱

沁園春

夢方孚若

何處相逢登寶釵樓訪銅雀臺喚厨人斫就東溟鯨膾國
人呈罷西極龍媒天下英雄使君與操餘子誰堪共酒杯
車千兩載燕南趙北劍客奇材飲酣畫鼓如雷誰信被
神鞭喚回嘆年光過盡功名未立書生老去機會方來
使李將軍遇高皇帝萬戶侯何足道哉披衣起但淒涼感
舊忼慨生哀

沁園春

送孫季蕃弔方漕西歸

歲暮天寒一劍飄然幅巾布裘儘緣雲鳥道躋攀絕頂拍
天鯨浸笑傲中流疇昔奇君紫髯鐵面生子當如孫仲謀
爭知道向中年猶未建節封侯南來萬里何求因感慨
喬公成遠遊嘆名姬駿馬都成昨夢雙雞斗酒誰弔新邱
天地無情功名有命千古英雄只麼休平生客獨羊曇一
箇灑淚西州

沁園春

送包尉

我羨君歸一路秋風芙蓉木犀想慈顏望久靈烏乍噪新
眉畫就郎馬頻嘶忙脫征衫供呼斗酒細為家人說建谿
爭知道這中年懷抱最怕分攜丈夫南北東西應笑殺
離筵粉淚啼悵佳人來未碧雲冉冉玉孫去後芳草萋萋

明日相思山重水複古道人行稀茅店雞元龍老有高楼百尺誰共登梯

沁園春

答九華葉賢良

一卷陰符二石硬弓百斤寶刀更玉花驄噴鳴鞭電抹烏絲闌展醉墨龍跳牛角書生虬鬚豪客談笑皆堪折簡招依稀記曾請纓繫粵草檄征遼當年目視雲霄誰信道淒涼今折腰悵燕然未勒南歸草草長安不見北望迢迢老去胸中有些磊砢歌罷猶須著酒澆休休也但帽邊纓改鏡裏顏凋

沁園春

同前

我夢見君戴飛霞冠著宮錦袍與收之高會齊山詩酒謫
仙同載采石風濤萬卷星羅千篇電掃肯學窮兒事楚騷
掀髯嘯有魚龍鼓舞狐兔悲嗥 英雄埋沒蓬蒿誰摸索
當年劉與曹數事機易失功名難偶誅茅西崦種秫東臯
柵有雞肋庭無羔雁道是先生索價高人間窄待相期海
上共摘蟠桃

沁園春

癸卯佛生翌日將曉夢中作既醒但易數字

一箇頭陀形等枯株心猶死灰幸春山筍賤無人爭喫夜
爐芋美與客同煨何處樵花忽相導引莫是天宮近赴齋
又疑道向毗耶城裏請席初開 這邊尚自徘徊笑那裏
紛紛早見猜有尊神奮杵拳麤似鉢名緇豎拂喝猛如雷

老子無能山僧不會誰誤擅那舉請哉山中去便百千億
劫休下山來

沁園春

和吳尚書叔永

我所思兮延陵季子別來九春笑是非浮論白衣蒼狗文
章定價秋月華星獨步岷峨後身坡穎何必荀家有二仁
中朝裏看叔夜袞斧伯也絲綸洛中曾識機雲記玉堂
堂堂九尺身歎苔溪漁艇幽人孤往雁山馬鬣予客誰經
宣宣室殘玄都花謝回首舊游存幾人新腔美堪洗空恩
怨喚起交情

沁園春

吳叔永尚書和予舊作再合

莫羨渠僕白玉成樓黃金築臺也不消顛怪騎麟披髮誰
能委曲令鶴為媒鬚有二毛袖間雙手只了持螯與把杯
公過矣賞陳登豪氣杜牧巖才便煩問訊張雷甚斗宿
無光劒不迴想閣中鳴佩時攜客去壁間懸榻近有誰來
撤我虎皮讓君牛耳誰道兩賢相厄哉中年後向歌閑易
感樂極生哀

沁園春

維揚作

遼鶴重來不見繁華只見凋殘甚都無人誦何郎詩句也
無人報書記平安閣里俱非江山畧是縱有高楼莫倚闌
沉吟處但螢飛草限際雁起蘆間不辭露宿風餐怕萬里
歸來雙鬢斑算這邊贏得黑貂裘弊那邊輸了翡翠衾寒

檄草流傳吟牋倚閣開到瓊花亦懶看君記取向中州差
樂塞地無歡

摸魚兒

怪新年倚樓看鏡清狂渾不如舊暮雲千里傷心處那更
亂蟬疎柳凝望久愴故國百年陵闕誰回首功名大謬歎
采藥名山讀書精舍此計幾時就封侯事久矣輸人妙
手滄洲聊作漁叟高冠長劍渾閑物世上切身惟酒千載
後君試看拔山扛鼎俱烏有英雄骨朽問顧曲周郎而今
還解來聽小詞否

摸魚兒

海棠

甚春來冷煙淒雨朝朝遲了芳信驀然作暖晴三日又覺

萬姝嬌困霜點鬢潘令老年年不帶看花分才情減盡悵
玉局飛仙石湖絕筆辜負這風韻傾城色懊惱佳人薄
命牆頭岑寂誰問東風日暮無聊賴吹得胭脂成粉君細
認花共酒古來二事天尤吝年光去迅漫綠葉成陰青苔
滿地做取異時恨

摸魚兒

便披蓑荷鋤歸去何須身著宮錦與誰共話桑麻事朱老
阮生尤稔節樣餅甌樣蟹長鬚赤脚供樵餼清流濁品盡
掃去胸中置諸膜外對酒莫辭飲華胥夢怕殺人驚曉
枕疎窗惟月來闌一生常被弓旌誤且造朝家追寢愁箇
甚君管取有殺堪采松堪蔭茅山再任幸不是謀臣又非
世將免犯道家禁

一剪梅

袁州解印

陌上行。人怪府公還是詩窮。還是文窮。下車上馬太匆匆。
來是春風去是秋風。階銜免得帶兵農。嬉到昏鍾。睡到
齋鍾。不消提舉與知宮。喚作山翁。喚作溪翁。

一剪梅

余赴廣東實之夜餞於風亭

束縕宵行十里強。挑得詩囊。拋了衣裳。天寒路滑馬蹄僵。
元是王郎來送劉郎。酒酣耳熱說文章。驚倒鄰牆。推倒
胡床。傍觀拍手笑踈狂。踈又何妨。狂又何妨。

滿庭芳

記夢

涼月如冰素濤翻雪人世依約三更扁舟乘興莫計水雲
程忽到一洲奇絕花無數多不知名渾疑是芙蓉城裏又
似牡丹坪蓬萊應不遠天風浪海清目淒清更一聲鐵
笛石裂龍驚回顧塵寰局促揮袂去散髮騎鯨蓬蓬覺元
來是夢鐘動野雞鳴

鷓鴣天

腹疾用踵和朱希真詞

前度看花白髮郎平生痼疾是清狂幸然無事污青史省
得教人奏赤章遊俠窟少年場輸他羣謝與諸王居人
不識庚桑楚弟子誰從魏伯陽

鷓鴣天

戲題周登樂府

詞變春深體已淺香奩新製出唐朝紛紛競奏柔曲寂寞誰知燮下焦揮綵筆展紅綃十分峭措稱妖嬈可憐才子如公瑾未有佳人敵小喬

卜算子

惜海棠

盡是手成持合得天饒惜風雨於花有底警著意相凌藉
做暖逼教開做冷催教謝不負明年花下人只負栽花
者

卜算子 同前

片片蝶衣輕點點猩紅小道是天公不惜花百種千般巧
朝見樹頭繁暮見枝頭少道是天公果惜花雨洗風吹
了

卜算子

亂似盜中絲密似風中絮行遍茫茫禹迹來底是無愁處
好客挽難留俗事推難去惟有翻身入醉鄉愁欲來無
路

後村居士詩餘卷下目錄

滿江紅

十四首

風入松

四首

水龍吟

四首

浪淘沙

四首

念奴嬌

五首

木蘭花慢

四首

最高樓

二首

臨江仙

四首

昭君怨

二首

清平樂

四首

長相思

五首

菩薩蠻

玉樓春

生查子

憶秦娥

五首

鵲橋仙

踏莎行

水調歌頭

八首

後村詩餘卷下

門人迪功郎新差昭州司法參軍林秀發編次

滿江紅

金甲瑤戈記當日，轅門初立。磨盾鼻、一揮千紙。龍蛇猶濕，鐵馬曉嘶。營壁冷、樓船夜渡。風濤急，有誰憐猿臂，故將軍無功級。平戎策，從軍什，零落盡誰收拾。把茶經香傳，時溫習，生怕客談榆塞事。且教兒誦花間集。嘆臣之壯也，不如人，今何及。

滿江紅

二月二十四夜飲海棠花下作

老子年來頗自許，心腸鐵石尚一點。銷磨未盡愛花成癖，懊惱每嫌寒勒住。丁甯莫被晴烘拆。奈暄風烈日太無情。

如何得 張畫燭頻頻惜
憑素手輕輕摘
更幾番雨過彩
雲無迹
今夕不來花下飲
明朝空向枝頭覓
對殘紅滿院
杜鵑啼添愁寂

滿江紅

題梅谷

赤日黃埃夢不到
清溪翠麓空
健羨君家別墅
幾株幽獨
骨冷肌清偏要月
天寒日暮尤宜竹
想主人杖屨繞千迴
山南北
甯委澗嫌金屋
甯耿水羞銀燭
款出羣風韻背
時裝束
競愛東鄰姬傅粉
誰憐空谷人如玉
笑林逋何遜
謾為詩無人讀

滿江紅

送宋惠父入江西幕

滿腹詩書餘事到穰苴兵法新受了烏公書幣著鞭垂法
黃紙紅旗喧道路黑風青草空巢穴向幼安宣子頂頭行
方奇特 谿洞事聽僮說龔遂外無長策便獻俘非勇納
降非怯帳下健兒休盡銳草間赤子俱求活到崆峒快寄
凱歌來寬離別

滿江紅

落日登樓誰管領倦遊狂客待喚起滄浪漁父隔江吹笛
看水看山身尚健憂晴憂雨頭先白對暮雲不見美人來
遙天碧 山中鶴應相憶沙上鷺渾相識想石田茅屋草
深三尺空有鬢如潘騎省斷無面見陶彭澤便倒傾海水
浣衣塵難湔滌

滿江紅

送王實之

天壤王郎數人物方今第一談笑裏風霆驚座雲煙生筆
落落元龍湖海氣琅琅並相天人策問如何十載尚青衫
諸侯客 易愛底些官職難保底些名節擬閉門投轄劇
談三日疇昔平君天下寶當為天下蒼生惜向臨分慷慨
出商聲摧金石

滿江紅

壽王實之

鶴馭來時長占定一年清絕九萬里纖雲收盡帝青空濶
月露偏為丹桂地風霜欲放黃花節聽玉笙縹緲度鯨山
吹初徹 曾直把龍鱗批曾戲取鯨牙拔向絳河濯足咸
池晞髮俗子底量吾輩事天仙不在臞儒列世豈無瑤草

與蟠桃堪攀掇

滿江紅

和王實之韻送鄭伯昌

怪雨盲風留不住江邊行色煩問訊冥鴻高士釣鼇詞客
千百年傳吾輩話二三子繫斯文脉聽王郎一曲玉簫聲
淒金石 睇髮處怡山碧垂釣處滄溟白笑而今拙宦他
年遺直只願長留相見面未宜輕屈平生膝有狂談欲吐
且休休驚鄰壁

滿江紅

四首並和實之

往日封章曾聳動君王玉色今似得三閭公子四明狂客
古不能箝言者口天方欲壽中朝脉算人間豈有病無醫

須臾石 年冉冉袍猶碧心耿耿頭先白笑臣舒迂緩臣
山愚直拂袖歸來羞炙手望塵拜了難伸膝把富春瀨與
首陽山圖齋壁

滿江紅

三黜歸來飯蔬食渾無愠色中年後家如旅舍身如行客
軒冕豈無疣贅具煙霞已是膏肓脉有些兒隙地更疏泉
堆卷石 鄰媼餉新芻碧漁父賣鮮鱗白向陳編 笑孔
明元直俗事不教污兩耳燕居聊可盤雙膝取當年行脚
一枝筇縣高壁

滿江紅

疇昔臚傳仗下奏祥雲五色何況是西山弟子鶴土賓客
上帝照臨忠義膽老師付受文章脉問此君鬢髯似何人

徂徠石 園官菜登盤碧田舍米翻匙白懶投詩見素寄
書杓直德耀不嫌為隱髻龜兒已解搖吟膝有誰憐給札
老相如家徒壁

滿江紅

下見西山料他日面無慙色君記取不為呂黨亦非秦客
樽有十客有意挽回當世事無方延得諸賢脉笑海波渺渺幾
時平空銜石 園五畝紛紅碧家四世傳清白任天孫笑
拙女嬃嫌直老去何煩援以手向來不要加諸膝待深山
深處著茅齋看青壁

滿江紅

壽唐夫人

八十加三人盡道還童返少爭信道夜春曉織總曾經了

凜凜共姜當日誓諄諄
孟母平生教到如今象服擁魚軒
天之報如船藕如瓜
棗斑衣舞金鍾醕望秋宵一點老人星
照塵世少如孀福壽上蒼知得兒忠孝
待看他孫子又生孫添懷抱

滿江紅

和吳叔永尚書時吳喪少子

著破青鞵渾不憶
踰他龍尾便冷笑癡人擘劃二三百歲
鴟子彭錢惟壽天靈均漁父爭醒醉向江天極目羨禽魚
悠然矣杯中物姑停止
床頭笏都拋廢慨事常八九不如人意
白雪調高尤協律落霞語好終傷綺待煩公老手
一摩挲文公記

風入松

福清道中作

索泉夢斷夜初長別館淒涼細思二十年中事歎人琴已
矣俱亡改盡潘郎鬢髮銷殘荀令衣香 多年布被冷如
霜到處同床簫聲一失無消息但回首天海茫茫舊日風
煙草樹而今總斷人腸

風入松 同前

歸鞍尚欲小徘徊逆境難排人言酒是銷愁物奈病餘孤
負金壘蕭瑟搗衣時候淒涼鼓缶情懷 遠林搖落曉風
哀野店猶開多情惟是燈前影伴此翁同去同來逆旅主
人相問今迴老似前迴

風入松

癸卯至石塘追和十五年前韻

殘更難睡抵年長
曉月淒涼芙蓉院落深深閉
歎芳卿今在今亡
絕筆無求鳳曲
癡心有返魂香
起來休鋪鬢邊
霜半被堆床定歸兜率
蓬萊去奈人間無路
茫茫緣斷謾三彈指
憂來欲九迴腸

風入松

同前

攀翻宰樹暫徘徊
草草安排昔人徒步陳雞絮
愧公家僕馬觥疊華表
舊愁滿目黃梁殘夢傷懷
欲將莊列等歡哀對卷
慵開憑高指點
虛無路問何年遼鶴歸來
宿酒得風漸解小興待月同迴

水龍吟

己亥自壽

年年歲歲今朝左
弧懸罷渾無事
吾衰久矣我辰安在老

之將至懶寫京書怕看除目敗人佳思把東籬掩定北窗
開了悠然酌頽然睡 客有過門投贄道先生訪華胥氏
誰能辛苦陪他綺語記他奇字屈指先賢戴花老監豈其
苗裔待異時約取寬夫彥國入耆英會

水龍吟 同前

先生放逐方歸不如前輩抽身早臺郎舊秩看來俗似散
人新號起舞非狂行吟非怨高眠非傲嘆終南捷徑太行
盤谷用卿法從吾好 閉了草廬長嘯後將軍來時休報
床頭書在古人出處令人非笑製箇淡詞呷些薄酒野花
簪帽願雲臺任滿又還因任賽汾陽考

水龍吟 二首

自和前韻

病翁一榻蕭然

對屏山號病翁

不知世有歡娛事雀羅庭院載膠

客去催租人至報答秋光要些酒量要些詩意奈長鯨罷
吸寒蛩息響茶甌外惟貪睡窮巷幸無干贅或相遇莫
知誰氏柴門草戶闕人守舍任伊題字自和山歌國風之
變離騷之裔待從今向去年年強健插花高會

平生酷愛淵明偶然一出歸來早題詩信意也書甲子也
書年號陶侃孫兒孟嘉甥子疑狂疑傲與柴桑樵牧斜川
魚鳥同盟後歸於好除了登臨吟嘯事如天莫相諮報
田園閉靜市朝翻覆回頭堪笑節物催人東籬把菊西風
吹帽做先生處士一生一世不論資考

浪淘沙

紙帳素屏遮全似僧家無端霜月闌窗紗喚起玉關征戍

夢幾疊寒笳 歲晚客天涯 短髮蒼華今年衰似去年些
詩酒新來俱倚閣 孤負梅花

浪淘沙

疊嶂碧周遊 游子思家掩藏白髮 賴烏紗落日倚樓千萬
恨 社鼓城笳 老去淡生涯 虛擲年華 臘茶孟子太清些
待得癡兒公事畢 謝了梅花

浪淘沙二首

丁未生日

去歲詣公車 天語勤渠 絳紗玉斧照寒儒 恰似昔人曾夢
到 帝所清都 骨相太清臞 謫墮須臾 今年黃勅換稱呼
只為此翁霜鬢禿 老不中書 早歲類寒蛩 晚節遭逢曾
開黃卷 侍重瞳 歸去青藜光照牖 堦藥翻紅 出畫頗忽

忽主眷猶濃除官全似紫陽翁寶文換箇新衙頭面改又

似包公受郡得小龍

念奴嬌

木犀

遶籬尋菊菊猶避舍北芙蓉渾未却是小山叢桂裏一夜
天香飄墜約束奴兵丁甯稚子莫掃青苔砌風高露冷倚
欄疑非人世客有載酒過余朗吟招隱洗盡悲秋意白
髮長官窮似虱剛被天公調戲遍地堆金滿空雨粟不濟
淵明事殘英賸後腰明朝猶可同醉

念奴嬌

菊

老夫白首尚兒嬉廢圃一番料平聲理餐飲落英并墜露重

把離騷拈起野豔幽香深黃淺白占斷西風裏飛來雙蝶
繞叢欲去還止 嘗試詮次羣芳梅花差可伯仲之間耳
佛說諸天金色界未必莊嚴如此尚友靈均定交元亮結
好天隨籬邊坡下一杯聊泛霜藥

念奴嬌

壬寅生日

比如去歲前年今朝差覺門庭靜玉軸錦標無一首知道
先生遠佞假使文殊攜諸菩薩來問維摩病無花堪散亦
無香積齋襯 回首雪浪驚心黃茅過頂瘴毒如炊甑山
鬼海神俱長者留得書生窮命不慕飛仙不貪成佛不要
鑽天今年年今日白頭母子家慶

念奴嬌

壽方德潤

卯君來處與眉州僊子依稀同日一自前朝龔蔡後頗覺
壺山岑寂誰料端平繼居遺補復有斯人出幅巾林下姓
名玉座長憶須信諛語尤甘忠言最苦橄欖何如蜜諸
公蕭疎最欲曉留取南都鐵壁洛社自佳鏡湖雖好莫問
君王乞年年歲歲大家同做真率

念奴嬌

丙午鄭少師生日

禁中張譙苦留公未許歸尋初服千載君臣魚有水不比
嚴光文叔大德中天客星一夕草草聊同宿重來凝碧依
然賡載相屬過眼夸奪紛紛浮雲野馬幾度棋翻局客
話鳳池三入事洗耳湖光一曲伯始泉荒禪圭圓冷占斷

西風菊年年歲歲金英常泛芳醪

木蘭花慢

壽王實之

瀛洲真學士為底事在紅塵為語觸宮闈沉香亭裏噴謫
仙人為親近君側者見萬言策了恭劉蕡為時尚方請劍
漢廷多憚朱雲君言往事勿重陳且鬪酒身也不會區
區算他甲子記甚庚寅爾曹譬如朝菌又安知老柏與靈
椿世上榮華難保古來名節如新

木蘭花慢

癸卯生日

病翁將耳順牙齒落鬚毛疎也慙愧君恩放還田舍免詣
公車兒時某邱某水到而今老矣可樵漁寶馬華軒無分

塞驢破帽如初 浮名箕斗竟成虛磨折總因渠帶錫子
別號江湖聳叟山澤仙臞尊前未宜感慨事猶須看歲晏
何如衛武耄年作戒伏生九十傳書

木蘭花慢

送鄭伯昌

古人吾不見君莫是鄭當時更築就山房躬耕谷口名動
京師諸公任他衮衮與杜陵野老共襟期有客至門先喜
得錢沽酒何疑 昔年聯轡柳邊歸陳迹恍難追况種桃
道士看花君子回首皆非相逢故人問訊道劉郎老去久
無詩把做一場夢看覺來莫要尋思

木蘭花慢

丁未中秋

水亭凝望久期不至擬還差隔翠幌銀屏新眉初畫半面
猶遮須臾淡煙薄靄被西風掃盡不留些失了白衣蒼狗
奪回雪兔金蟾 乘雲徑到玉皇家人世鼓三槌試自判
此生更看幾度小住為佳何須如鉤似玦便相將只有半
菱花莫遣素娥知道和他髮也蒼華

最高樓

戊戌自壽

南嶽後累任作詞官試說與君看仙都玉局纔交卸新街
又管華州山怪先生吟膽壯飲腸寬 去歲擁旌旗稱太
守今歲帶笈簪稱漫叟慵入闕慣投閑有時拂袖尋科放
有時攜枕就陳搏任傍人嘲潦倒笑癡頑

最高樓

再題周登樂府

周郎後直教到清真君莫是前身八音相應諧韶樂一聲
未了落梁塵笑而今輕郢客重巴人 只少箇綠珠橫玉
笛更少箇雪兒彈錦瑟欺賀晏壓黃秦可憐樵唱并菱曲
不逢御手與龍巾且醉眠篷底月甕間春

臨江仙

縣圃種花

落魄長官江海客少尋萬里尋春而今憔悴向溪濱斷無
觴咏興惟有簿書塵 手插海棠三百本等閒粧點芳辰
他年絳雪映紅雲丁甯風與月記取種花人

臨江仙

庚子重陽余以

會

唐伯玉前潛黃成父於越

王臺明年是日寓海豐縣驛作

去歲越王臺上飲席間二客如龍憑高弔古壯懷同馬嘶
千嶂暮樂奏半天中 今歲三家村市裏故人各自西東
菊花時節酒尊空可憐雙雪鬢禁得幾秋風

臨江仙

潮惠道中

不見仙湖能幾日塵沙變盡形容夜來月冷露華濃都忘
茅屋下但記畫船中 兩岸綠陰猶未合更須補竹添松
最憐幾樹木芙蓉手栽纔數尺別後為誰紅

臨江仙

乙酉和實之燈夕

玉簫鈿車當日事東塗西抹都曾聞
曲子壓和凝相公
縱游非草草已醉強惺惺
今向三家村送老身如罷講
吳僧高樓百尺不須登
半爐燒葉火一棧勘書燈

昭君怨

牡丹

曾看洛陽舊譜只許姚黃獨步
若比廣陵花太虧他
舊日王侯園圃今日荆榛狐兔
君莫說中州怕花愁

昭君怨

瓊華

后上宮中標韻天上人間一本道
號玉真妃字瓊姬
我與花曾半面流落天涯重見
莫把玉簫吹怕驚飛

清平樂

五月十五夜翫月

纖雲掃迹萬頃玻璃色醉跨玉龍游八極
歷歷天青海碧
水晶宮殿飄香羣仙方按霓裳消得幾多風
露變教世人世清涼

清平樂

同前

風高浪快萬里騎鯨背曾識姮娥真體態
素面元無粉黛
身游銀闕珠宮俯看積氣濛濛醉裏偶搖桂
樹人間喚作涼風

清平樂

贈陳參議師文侍兒

宮腰束素只怕能輕舉好築避風臺護取
莫遣驚鴻飛去
一團香玉溫柔笑顰俱有風流貪與蕭郎
眉語不知舞

錯伊州

清平樂

丹陽舟中作

休彈別鶴淚與絃俱落歡事中年如水薄懷抱那堪作惡
昨宵月露高樓今朝煙雨孤舟除是無身方了有身長
有閑愁

長相思

惜梅

寒相催暖相催催了開時催謝時丁甯花放遲
角聲吹
笛聲吹吹了南枝吹北枝明朝成雪飛

長相思

寄遠

朝有時暮有時潮水猶知日兩迴人生長別離
來有時去有時燕子猶知社後歸君行無定期

長相思

餞別

風瀟瀟雨瀟瀟相送津亭折柳條春愁不自聊
煙迢迢水迢迢準擬江邊駐畫橈舟人頻報潮

長相思

煙淒淒草淒淒野火原頭燒斷碑不知名姓誰
印累累冢累累千萬人中幾箇歸榮華朝露晞

長相思

勸一盃復一盃短鐺相隨死便埋英雄安在哉
眉不開懷不開幸有江邊舊釣臺拂衣歸去來

菩薩蠻

戲林節推

小鬟解事高燒燭
羣花圍繞樗蒲局
道是五陵兒
風騷滿肚皮
玉鞭鞭玉馬
戲走章臺下
笑殺灞橋翁
騎驢風雪中

玉樓春

戲林節推

年年躍馬長安市
客舍似家家似寄
青錢換酒日無何
紅燭呼盧宵不寐
易挑錦婦機中字
難得玉人心下事
男兒面北有神州
莫滴水西橋畔淚

生查子

元夕戲陳敬叟

繁燈奪霽華。戲鼓侵明發。物色舊時同。情味中年別。淺
畫鏡中眉。深拜樓中月。人散市聲收。漸入愁時節。

憶秦娥

暮春

遊人絕。綠陰滿野芳菲歇。芳菲歇。養蠶天氣。采桑時節。
枝頭杜宇啼成血。陌頭楊柳吹成雪。吹成雪。淡煙微雨。江
南三月。

憶秦娥

上巳

脩禊節。晉人風味終然別。終然別。當時賓主。至今清絕。
等閑寫就蘭亭帖。豈知留與人間說。人間說。永和之歲。暮
春之月。

憶秦娥

泥滑滑一聲聲喚征鞍發征鞍發客亭楊柳不禁攀折
荀郎衣上香初歇蕭娘心下書難說書難說霎時吹散一
生愁絕

憶秦娥

春醪薄夢中羈馬豪如昨豪如昨月明橫笛曉寒吹角
古來成敗難描摸而今却悔當時錯當時錯鐵衣猶在不
堪重著

憶秦娥

梅謝了塞垣凍解鴻歸早鴻歸早憑伊問訊大梁遺老
浙河西面邊聲悄淮河北去炊煙少炊煙少宣和宮殿冷
煙衰草

鵲橋仙

戊戌生朝

金風淅淅銀河淡淡長少羣賢畢會平生心事麴生知怪
此介惺惺相對 玄花生眼新霜點鬢不肯遮藏老態人
間何處有仙方擘劃得二三百歲

踏莎行

甲午重九牛山作

日月跳丸光陰脫兔登臨不用深懷古向來吹帽插花人
盡隨殘照西風去 老矣征衫飄然客路炊煙三兩人家
住欲攜斗酒答秋光山深無覓黃山處

水調歌頭

游蒲澗追和
崔菊坡韻

余頃為儀真郡督郵白事維揚崔公銳欲羅致屬

先受制置使李公之辟崔公始聘洪公舜俞入幕
後一十五年奉使嶺外拜公祠像俯仰今昔輒和
公所作水調以寓悲慨

敕使竟空返公不出梅關當年玉座記憶反席問平安羽
扇尉陀城上野服仙游閣下遼鶴幾時還賴有蜀耆舊健
筆與書丹 青油士珠履客各凋殘四方威感靡騁獨此
尚寬閑丞相祠堂何處太傅石碑墮淚木老瀑泉寒往者
不可作置酒且登山

再和

喜歸

遣作嶺頭使似戍玉門關來時送者舉酒珍重祝身安街
畔小兒拍笑馬上是翁雙鑠頭與壁俱還何處得仙訣髮

白頰猶丹 屋茅破籬菊瘦架籤殘老夫自計甚審忙定
不如閑客難揚雄拓落友笑王良來往面汗背芒寒再拜
謝不敏早晚乞還山

三和

解印有期戲作

老子頗更事打透利名關百年擾擾行役何異入槐安夢
裏偶然得意醒後纔堪發笑蟻國駕車還恰佩南柯印髻
髯轍曾丹 客未散日初暎酒將殘向來幻境安在回首
總成閑莫問浮雲起滅且跨剛風游戲露冷玉笙寒寄語
抱朴子候我石樓山

四和

八月上澣解印別同官席上賦

半世慣岐路不怕唱陽關朝來印綬解去今夕枕初安莫
是散場優孟又似下棚傀儡脫了戲衫還老去事多忘公
莫笑師丹筆端花胸中錦雨消殘江湖水草空曠何必
養天閑久苦諸君共事更盡一杯別酒風露夜深寒回首
行樂地明日隔雲山

五和

客散循堤步月而作

落日幾呼渡佳夕每留闌有時來照清淺鬢雪似潘安一
曲親蒙君賜兩岸更無人迹惟見鷺飛還隙地欠栽接蕉
荔離黃丹柳全疎松尚幼柏摧殘傍人笑我癡計管鑰
費防閑翁意在乎林壑客亦知夫水月滿腹貼清寒賦詠
差有愧赤壁與滁山

六和

次夕觴客湖上賦葛仙事

羯虜問周鼎柱史出秦關苦求勾漏何意身世遠差安不
見點鵝墮水時有飛鴻遵渚樂此久忘還采藥寓言耳胸
次有靈丹釣游處榕葉暗荻花殘自翁仙後千載輸與
水鷗閑我讀內篇未竟忽被急符驅去洞閉白雲寒回首
愧幽子隱約海中山

七和

十三夜同官載酒相別不見月作

怪事廣寒殿此夕不開闌林間烏鵲相賀暫得一枝安只
在浮雲深處誰駕長風挾取明鏡忽飛還玉兔呼不應難
覓白中丹酒行深歌聽徹笛吹殘嫦娥老去孤令離別

匹如閑待得銀盤擎出只怕玉山醉倒衰病不禁寒卿去
我欲睡孤負此湖山

水調歌頭

癸卯中秋作

老去有奇事天放雨中秋使君飛榭千尺縹緲見麟洲景
物東徐城上歲月北征詩裏圓缺幾時休俯仰慨今昔惟
酒可澆愁風露高河漢澹素光流賈胡野老相慶田海
十分收競看姮娥金鏡爭信仙人玉斧費了一番修良晚
筆無力誰伴賦黃樓

後村居士詩餘卷下畢